


Lenie Jeand'or presentando su buki "Manual pa escenario"



Lenie a traha como Directora di Escenario na Alladin Theater di Alhambra Casino. Di 1991 pa 1993, el a bay pa Tropicana Showroom, y 4 biaha den Jazz & Latin Music Festival como Directora di Escenario.

Na 1995 el a viaha pa Broadway (New York) pa traha den varios obra di teatro, manera "Beauty and the Beast", "My Fair Lady", "Kiss of the Spider Woman",

ORANJESTAD (AAN): E siman aki, e experto den mundo teatral, Lenie Jeand'or, a haci un bishita di cortesía na Director di DIARIO, esta Jossy Mansur.

Na e ocasion aki, Jeand'or a haci entrega di su recién publicación, esta "Manual pa Escenario".

Lenie a nace na Aruba, y di chikito a cuminsa tuma les di guitarra y cuarta cerca su tata Francisco Reinier Jeand'or. Sinembargo, actuación tabata yama mucho mas

atención di Lenie. Na 1976, el a ingresa den school di Actuación "Juana Sujo" na Caracas, y na 1980 el a gradua den Arte Escénico y a bolbe Aruba. Na 1981 el a participa den Festival Infantil como directora di un obra "Dulcita y su burico". Na 1982 el a skirbi su prome obra teatral "Shon Gogo y su grawatashi" y bolbe participa den Festival Infantil. Na 1983 el a skirbi "De verloren prinses" na Hulandes.

For di 1985 te cu 1991,

"Joseph", "Phantom". Na 1997, Lenie a sigui curso di sonido y luz na varios Teatro na Hulanda.

Después cu Lenie a cumpli 50 año, el a dicidi di compartur su conocimiento di Dirección di Escenario cu Hubentud, pero tambe cu adultonan di comunidad, door di skirbi e buki aki.

Den un entrevista cu DIARIO, Lenie a bisa cu e ta sugeri pa cada school di educación avanza, forma nan grupo Teatral pa asina duna workshop di dirección di escenario y formamento di un actor. Di e forma aki por yuda hubentud gana amor pa teatro.

Tambe Lenie a expresa su

deseo pa pronto Cas di Cultura haya un director ejecutivo, of un gerente general. E ta hasta sugeri algun candidato pa e puesto ey, e.o. Oslin Boekhoudt, Richard Harms, Carmen Herrera, Elio Heronimo, Harold Pereira, y Ramon Todd Dandare. Nan ta personanan cu tin mas di 25 año den e gremio Teatral y cu tin pedagogia. E ta spera cu prome cu Vakantie grandi, cu Cas di Cultura por haya un director.

Jossy Mansur di DIARIO, na su turno a haci entrega di e buki "Maria Veinticinco", cu posiblemente Lenie lo por adapta escenografía y traha un obra teatral di dje.

TELEFONNAN DI DIARIO
582-6747 - FAX 582-8551